

同里鄉土志

培真題

目次

第一課	同里之沿革
第二課	區域及人口
第三課	市公所
第四課	湖蕩
第五課	水產
第六課	交通
第七課	農業
第八課	實業
第九課	園藝
第十課	人物(一)

第十一課	人物(二)
第十二課	名勝
第十三課	教育
第十四課	田賦
第十五課	縣市鄉
第十六課	各區距離

教者注意。

本書共十六課每半年授八課
餘時複習或另授適宜之材料

編者謹白

同里鄉土志

第一課 同里之沿革

同里舊名富士。後析田加土爲同里。唐初名銅。宋改爲同。舊時鎮在九里湖濱。號九里村。元明時漸南移。鎮之中有放生河。稱荷花蕩。後漸淤塞。遂填築屋舍。亦成鬧市。名新填地。其對岸成字圩。將來可作市場也。

第二課 區域及人口

同里領都有三。鎮地面積約五方里。近以自治成立。區域變革。如周莊八斥。向屬我里。近皆劃入別

區而人民戶口四鄉之遷來者歲有增加至今全鎮居戶達一千餘家人口達八千八百七十有奇。

第三課 市公所

市公所者全市自治機關也。一切自治各項事宜皆由市公所治理之。吾里市公所由自治公所改組設助理員三人。前清宣統三年自治公所成立。地址賃同知衙門。民國元年移至財神公地。改名市公所。

第四課 湖蕩

里有五湖曰同里曰九里曰南新曰龐山曰葉澤。

互相聯屬。環繞四境。蕩在吾區著名者。莫若北之蓮花蕩。南之邵家蕩。每歲生產價值甚巨。亦利源焉。

第五課 水產

吾區既多湖蕩。故水產亦富。蝦蟹螺魚。所在多有。慈菇、芋艿、沿湖宜植菱芡、蓮藕。蕩產最富。他若蓴菜、芡實。爲龐山湖之特產。七八月間。芡實新產。味甘而糯。名鷄頭肉。吾里居民。多以剪鷄頭爲生活者。亦特別之利源也。

第六課 交通（水道）

東出同里湖。經黃泥兜而至澄湖。南出南星湖而
至周莊。北庫西南出葉澤湖而至八斥。黎里西出
龐山湖。南至由湖而至吳江。由龐山湖入運河而
至蘇州。北出九里湖。經吳淞江而至車坊。港汊紛
岐。便於航行。近有汽船行駛更速焉。

第七課 農業

農產物種類甚多。供吾人之食用者。如米、穀是也。
米有粳米、糯米之別。粳米可炊飯。糯米可作糕造
餠。又可釀酒。糠可飼雞豚。稻莖曰藁。可綯繩製紙
及燃料。吾區產米既豐。故米業大盛。昔日用人力

打米。今以運銷日廣。更換機器。出貨敏捷。營業發達。特設米業公所。以爲研究改良之機關。

第八課 實業

吾里市肆繁盛。爲各屬市鄉之冠。工有電燈廠。碾米廠。商有典當米行。鹽公堂。電燈廠爲吾市鄉特色。典當爲人民通財之所。米行之米多運往上海。鹽公堂之鹽。本縣各區皆仰給焉。

第九課 園藝

課餘之時。作業場圃。亦樂事也。四時之間。花卉果蔬。可以常有。或饒顏色。或放香氣。或具美味。相地

以培本根。按時以壅肥料。日光所照。雨露所潤。苟能朝夕勤事。各得其宜。則遊玩其旁。頗有樂趣也。

第十課 人物一

吾里忠孝之士。若葉古爲。范邦俊之宿髮殉國。嚴尙志之爲母吮癰。嚴代言之爲父舐髻。他若文章大家。則有朱愚庵。顧英白。周祖望。顧湘南。袁漫恬輩。著作甚富。見重於世。而戴高士之隱居不仕。至今猶令人景仰也。

第十一課 人物二

吾里貞孝節烈之女。最足爲人稱道者。如周祖望

之妻相夫以成名士周爰訪之母訓子以清白。或
激烈捐軀若張氏之罵賊而死。或從容就義若陳
氏之聞訃奔喪。此皆與古烈女傳爭光。吾里之三
節婦。固尤以詩詞著名於世也。

第十二課 名勝

同里湖中之羅星洲。四面環水。形如小島。夏時遊
人甚多。他若東溪望月。北山遠眺。俱饒天趣。而渡
船西津。諸寺觀環立。樹木茂盛。可愛憩息之佳處
也。鎮東有小市集曰屯村。唐時建有報恩寺。規模
宏大。爲邑中諸寺之冠。今已燬廢矣。

第十三課 教育

我鎮教育素稱發達。故就學兒童。有蒸蒸日上之勢。學校共計十有二所。就學人數。達七八百人。有女子中學。縣立高等區立及私立國民學校。學者便之。教育機關。有市教育會及研究會。童子軍由全市各校聯合組織之。

第十四課 田賦

國家正供。每年分二次徵收。曰春徵。曰冬徵。春徵卽上忙。但徵銀兩。冬徵卽下忙。漕米與銀兩俱徵。視年歲之豐歉。而折色之成數。年有差異。每次於

未開徵之前。散發易知由單。人民既納賦後。由縣給一版串。以爲納糧之憑證。

第十五課 縣市鄉

吾邑因地方行政之便利。故昔日依戶口之多寡。分爲六市十二鄉。今更劃爲八學區。以吳江市及八斥湖東西西南庫等鄉爲第一區。同里市爲第二區。盛澤市爲第三區。黎里市爲第四區。震澤市吳淩鄉爲第五區。周莊蘆墟莘塔北庫四鄉爲第六區。嚴墓市爲第七區。平溪梅堰橫壩五都四鄉爲第八區。近則警察區域亦沿用之矣。

第十六課 各區距離

吾鎮居全邑之東北。距吳江十二里。路最近。東至周莊。西南至八斥。各二十四里。東南至蘆墟。莘塔。南至北庫。各三十六里。設由吳江沿運河而南。經八斥。往黎里。平望。盛澤諸鎮。則距吾鎮多則七八十里。少亦五六十里。更西南至震澤。則在九十里外矣。

附吾鎮與他區距離表

吳江	十二里	西
八斥	二十四里	西南

嚴墓	震澤	盛澤	平望	黎里	莘塔	蘆墟	北庫	周莊
一百零八里	九十六里	八十四里	六十三里	四十八里	三十六里	三十六里	三十六里	二十四里
西南	西南	西南	西南	西南	東南	東南	南	東

同里鄉土志終

中華民國十年三月初版

(同里鄉土志一冊)

(定價四分)

編輯者 教育研究會

修正者 范煙橋 袁同渭 嚴孫漁

出售處 第三小學 盛昌裕

印刷者 無錫錫成印刷公司

